


Oz ei il Di dalla mar



ZERCLADUR

text: Chatriina Josty, illustraziun: Yvonne Gienal,
grafica: Theres Jörgler, fotografia: Jörgler-Staubs
zambregida hat: Flurin Veraguth
© Lia Rumantscha

KIDSFITSCHE
Lia Rumantscha





Schweizerische Eidgenossenschaft
Confédération suisse
Confederazione Svizzera
Confederaziun svizra
Uffiz federal da cultura UFC

Il Di dalla mar

Nies planet, la Tiara, vegn era num-naus «il planet blau». Viu da lunsch, per exempel giu dalla glina, ei nies planet per gronda part blaus – pervia dalla mar. Sin nies mund ei dapli surfatscha cuvretga cun aua che cun tiara. La mar ei enorm impurtonta per nus carstgauns e per ils animals. Perquei sto la mar vegnir protegida. Per far attent a quei fatg han las Naziuns Unidas decidiu da festivar il Di internaziunal dalla mar. Mintg'onn dat ei in motto, ei vegn fatg films ed organisau acziuns per ch'ils carstgauns sappien emprender dapli dalla mar.

Tgeinin ei il pli grond animal che viva ella mar?

La balena blava ei il pli grond animal dalla mar ed il pli grond animal in summa. Ella ei 33 meters liunga e peisa 160 tonnas. Ella ei pia aschi liunga sco 3 autos da posta e peisa ton sco 30 elefants! Ed ella ha in appetit enorm: mintga di maglia ella milliuns crils (ina specia da giomers pigns) e deplorablamein era adina dapli rumien sco per exempel butteglias e sacs da plastic.



Tgei sas ti dalla mar? Cheu entginas damondas cun risposta:

Co vegn il sal ella mar?

Sche ti eis gia stada ni staus ina ga sper la mar, sas ti che l'aua gusta sco aua da spaghetti! Ils flums che meinan l'aua ella mar vegnan dallas muntognas. Sin lur viadi lavan els il sal ord la crappa. Aschia serimna ina massa sal e perquei gusta l'aua da sal. Specialmein bia sal ha ei ella Mar Morta egl Israel, ella Jordania ed ella Cisjordania. Leu san ins scher en dies sin l'aua e leger in cudisch senza sfundrar.

Eis ti gia staus
ni stada ina gada
sper la mar?


Has ti pli bugen
rivas cun crappa
ni cun sablun?



Co vegn il plastic ella mar?
La gronda part dil plastic vegn ella mar cun ils flums. Mo era dallas grondas navs vegn il rumien per part semplamein bess ell'aua. Ni che la glied lai anavos rumien allas rivas. Quei ei trest. Cunzun per ils animals. Els crein ch'il plastic seigi enzatgei da magliar e laguotan il rumien.



Nua ei il punct il pli profund dalla mar?
Il Foss dallas Mariannas el Pacific vala sco punct il pli profund dalla mar. En quei liug va ei 11'934 meters ella profunditad. Sch'il foss fuss ina muntogna, fuss quella in toc pli aulta ch'il Mount Everest, la muntogna la pli aulta dil mund.

Nua senodas ti il pli bugen? Ella mar, en in lag ni el bogn aviert?



Has ti gia anflau conchiglias alla riva dalla mar?

Tgei animals has ti viu ella mar?



Co savesses ti proteger la mar?


Puntera

1

Ti drovas:

- 2 butteglia da PET
- in pèr roms pigns
- 3 pindels elastics fermes

- corda
- pupi
- fleters ni colurs
- cola



Uffizi federal da cultura UFC


Schweizerische Eidgenossenschaft
Confédération suisse
Confederazione Svizzera
Confederaziun svizra



text: Chatriina Josty, illustraziun: Yvonne Giènal,
grafica: Theres Jörgler, fotografia: Jörgler-Stauss
zambregida hat: Flurin Veraguth
© Lia Rumantscha

KIDSFITSCH
Lia Rumantscha

- 1 Rimna in pèr roms pigns per la puntera. Ligia ensemen els cun corda.
- 2 Pren duas butteglias da PET vitas e trai suravi in pindel elastic, per ch'ellas tegnien ensemen.



1



3




- 3 Metta la puntera da lenn sin las butteglias e trai aunc in auter pindel elastic sur tut vi.
- 4 Uss drovas ti aunc in rom pign empau pli liung. Vid quel sas ti fixar ina pintga bandiera da pupi. Co vesa tia bandiera ora? La petga da bandiera sas ti francar cun stuschar ella denter dus roms pigns dalla puntera e las butteglias da PET.

2



4





Sche ti lais ir tia puntera sin in lag
ni in flum, segirescha ella cun ina
corda liunga che ti tegns enta maun.

